

寶豐縣志卷之八

寶豐縣知縣李昉梧纂輯

兵防志

古者兵寓於農不特置漢雖設兵於州郡而有卒更過更踐更之名人猶迭爲兵也唐宋以下兵與民始分爲二寶豐屬
崗複嶺稱巖邑兩漢南北朝及金元明頻爲戰區父老至
今猶能識其處述兵防而首及演武場訓練宜急也驛遞鋪
司墩堡卡房則以類附並列兵事於後資考鏡

邑武備可考者隋驍武府校尉河山府司戶

見杜行寶碑陰案隋書諸府兵有郎

將副將坊主團主以相統治

据玉海

唐代汝州有府四首曰龍興通典云

其府多因其地各自爲名此龍興爲府亦其一也案新唐書府凡三等兵千二百人爲上等千人爲中八百人爲下府置折衝都尉一人左右果毅都尉各一人長史兵曹別將各一人校尉六人邑於斯時府爲上或中下雖未詳而置官當無差異也

金以主簿與尉通領巡捕事而邑香山寺鐘識有稱忠武校尉行寶豐縣主簿兼縣尉及昭信校尉武騎尉統軍司差緝捕官者巡邏則資司吏弓手元時邑併入梁縣爲鎮設巡檢司領弓手以防盜未嘗置武弁自明伊府屯田與汝州諸屯營之在邑境者據明史其管屯官汝州衛有巡捕備禦責伊府不與也而縣之民壯弓兵亦兼跣緝

國

朝雍正三年巡撫田文鏡題准經制地總三員原防宜防原有
伊陽新安今改防魯山寶豐伊陽一員旋設外委千總一員協
防寶豐防兵四名內分馬兵一名步兵三名營內守兵六名分
馬兵一名步兵五名額馬兩匹步兵弓箭手六名鎗手二名字
識魯寶伊三汛一名在魯山

演武場

馬志演武場俗名教場明復縣後在南門外正德七年河南參
政楊子器改建西門外周繚以垣中建演武廳三間嘉靖三十
一年知縣邢仁廣西北二面南北長六十三丈五尺東西濶十
七丈五尺大門三間左建小房二間以棲守者今俱廢

寶豐縣志 卷之八
驛遞

遞馬二匹 馬夫一名

舖司

在城舖 小店舖 高鐵爐舖 長營舖 商酒務舖

原額舖兵八名

墩堡

嶺陽鎮七里橋墩臺一座營房七間馬棚一間厰廳三間烟墩

三座

卡房

道光五年知縣謝典嶢籌備經費錢一千二百千文交當商錢

商一分五厘生息新設卡房十處每處派撥頭役一名歲給工食錢十千文散役一名歲給工食錢八千文每年餘息三十六千作爲賞項又每處捐蓋卡房二間以資棲止計設寶二里一處南關寶三里二處商酒務店頭街寶四里一處崔家集寶五里一處大石橋寶六里一處曹鎮街寶七里二處淮陽街寶八里三處小店撈飯店梁田庄道光
十七年梁田庄一處改設寶九里焦店按舊志載各里向有卡房一座至十三座不等查詢並無其實以係隆冬所設更房窩舖之類故不採入

兵事

春秋左氏傳僖公三十三年晉陽處父侵蔡楚子上救之與晉師夾泚而軍

襄公十六年晉荀偃欒黶帥師伐楚以報宋揚梁之役楚公子格帥師及晉師戰於湛阪楚師敗績晉師遂侵方城之外復伐許而還

襄公十八年楚師伐鄭次於魚陵涉於魚齒之下甚雨及之楚師多凍役徒幾盡晉人聞有楚師師曠曰不害吾驟歌北風又歌南風南風不競多死聲楚必無功

昭公元年楚公子圍使公子黑肱伯州犂城犍櫟邾

史記王翦傳李信攻燕郢破之於是引兵而西與蒙恬會父城荆人因隨之三日三夜不頓舍大破李信軍入兩壁殺七都尉秦軍走

通鑑秦始皇二十二年李信攻鄢郢破之於是引兵而西與蒙恬會城父楚人因隨之三日三夜不頓舍大敗李信入兩壁殺七都尉

史記漢高帝紀秦二世二年高祖與南陽守齧戰隄東破之後漢書光武紀更始元年三月光武別與諸將徇昆陽之陵鄢皆下之莽遣大司徒王尋大司空王邑將兵百萬其甲士四十二萬人圍昆陽六月己卯光武遂與營部俱進自將步騎千餘前去大軍四五里而陳尋邑亦遣兵數千合戰光武奔之斬首數十級諸部喜曰劉將軍平生見小敵怯今見大敵勇甚可恠也且復居前請助將軍光武復進尋邑兵却諸部共乘之斬首

數百千級連勝遂前時伯升拔宛已二日而光武尙未知乃僞
使持書報城中云宛下兵到而陽墮其書尋邑得之不烹諸將
既經累捷膽氣益壯無不一當百光武乃與敢死者三千人從
城西水上衝其中堅尋邑陳亂乘銳崩之遂歿王尋城中亦鼓
譟而出中外合勢震呼動天地莽兵大潰走者相騰踐奔殪百
餘里間會大雷風屋瓦皆飛雨下如注潢川盛溢虎豹皆股戰
士卒爭赴溺死者以萬數水爲不流王邑嚴尤陳茂輕騎乘死
人度水逃去盡獲其軍實輜重車甲珍寶不可勝算舉之連月
不盡或燔燒其餘光武因復徇下潁陽會伯升爲更始所害光
武自父城馳詣宛謝

後漢書鄧晨傳始立以晨爲偏將軍與光武畧地潁川俱夜出
昆陽城擊破王尋王邑又別徇陽翟以東至京密皆下之

宋書蒯恩傳義熙二年賊張堅據應城反恩擊破之封都鄉侯
周書郭賢傳東魏以主民韋默兒爲義州刺史鎮父城以逼賢賢
又率軍攻默兒擒之

金史移剌蒲阿傳正大九年正月癸未大軍發鄧州趨京師騎
二萬步十三萬騎帥蒲察芝住蒲察答吉卜卽將按忒木忠孝
軍總領夾谷愛荅內族遼魯歡總領夾谷移特敕提控步軍臨
淄郡王張惠珍冠都尉完顏阿排高英樊澤中軍陳和尚與恒
山公武仙楊沃愆軍合是日次五朶山下取鴉路北兵以三騎尾

尾之遂駐營待楊武楊武至知中裕兩州以已降七日至夜議北
騎明日當復襲我彼止騎三千而我示以弱將爲所輕當與之
戰乃伏騎五十於鄧州道明日軍行北騎襲之如故金以萬人
擁之而東伏發北兵南避是日雨宿竹林中庚寅頓安臯辛卯
宿鴉路魯山河西軍已獻甲裕擁老幼牛羊取鴉路金軍適值
之奪其牛羊餉軍癸巳望鈞州至沙河北騎五千待於河北金
軍奪橋以過北軍卽西首斂避金軍縱繫北軍不戰復南渡沙
河金軍欲盤營北軍復渡河來襲金軍不能得食又不得休息
合昏雨作明旦變雪北兵增及萬人且行且戰至黃榆店望鈞
州二十五里雨雪不能進盤營三日

明史仇鉞傳正德七年二月拜平賊將軍偕都御史彭澤討河南盜劉惠趙燧以中官陸闇監其軍未至而參將馮禎戰死洛南賊勢益熾已聞官軍將至遂奔汝州又聞官軍扼要害乃走寶豐復由舞陽遂平轉掠汝州東南敗奔固始抵潁州

馬志正德十六年十二月十八日薊賊趙風子鏐破寶豐知縣徐端遜去鏐劄營三日兵備食事孫磐差賁黃榜招撫鏐乞奏辨遂去仍進攻裕州

馬志嘉靖二十二年歸德師尙詔叛衆至十萬勢甚猖獗賊及襄城邑大震恐兵備王之誥禦之於邾邑

馬志萬歷二十一年饑明年又饑葉縣青山寨哨聚千餘人作

寶豐縣志
卷之八
亂汝州分巡僉事崔應麟移駐魯山遣主簿馬某設伏曹鎮賊
夜至伏發俘戮甚多

案崔公保魯去思碑稱或盤據窰石或結陣青山卽志所指
馬志獻忠張賊中八大王崇正十五年五月十三日至寶豐殺
至縣又田槭及典史程某賊劫集諸生於城東河八龍王廟各
師旌名令勿驚怕操土音云咱是斯文一氣老子學而未成歟
諱更久遺各入城遂拔營去

案明史崇正十四年正月賊陷寶豐知縣朱由槭死之與此年
月互異至典史程殉難而其名未著殊可悵惜

闖賊壬午邾縣幾成擒而官軍自亂致敗故闖賊猶甚畏傳庭

癸未改邑爲寶州四月設僞牧陳可新倖姜鯉邑民孫明威任
城守千總修葺城垣整利器械以禦官軍再至八月十一日傳
庭復出師潼關九月八日次汝州僞都尉四天王李養純言賊
虛實遂進攻寶豐九日大楊兵自城東西分兩道陳於南岡上
軍士皆按轡徐行過城下僞倖鯉在城上命發礮統軍怒反兵
圍城掘城東隅橋決濠水盡入河城上遙見軍士人負野蒿一
束急趨城不知所爲乃聲迅雷震而濠平矣然猶以開城猘賊
諭城中力守十二日昧爽攻賊令始下飛礮鳴鏑雉堞矢集如
蝟毛城中瓦屋皆碎自寅自辰已間而城不支矣城上號呼願
降城下聞而攻止可新亦懼欲從鯉等不可官軍以爲誑益兵

攻再呼再止如是相持終日東城鹿盧灣神機投奔崩頽已成
斜坡夜二鼓自灣而降者二百八十八人餘散去城遂破諸軍
蜂擁入城中鼎沸火光照若白晝傅庭遣飛騎十餘輩持令箭
大呼各城門日殺一賊者賞十金戕一民者斬而軍士憾民爲
賊固守遂多屠戮矣厥明十三日傅庭坐城外水車樓大樹下
諸軍獻首級并以二百八十八人詣軍門傅庭於中擇二高年
命一一指名不能名者十餘人疑爲賊斬之餘遣歸城副姜鯉
斬可新明威蔣某爲亂軍所誅遂擣唐縣破之殺賊家口殆盡
滿營哭轉戰至郊縣擒僞果毅將軍謝君友斫賊坐纛尾自成
幾獲賊奔襄城大軍遂進逼之賊決死拒守時官軍皆露宿與

賊抵入而道滯糧車不能前士饑攻郊破之獲馬羸墜之二靈
雨七日夜不止後軍譁後官軍大敗賊遂入潼關傳庭與監軍
副使喬遷高躍馬大呼而歿於陣屍竟不可得傳庭死關以內
無堅城矣十月僞牧熊某至空城無事可治後爲晉山人李鳳
吾執送河北巡按處十一月邑民馬二喜率十八人自外逃歸
自任縣事而張國用者邑皂隸來自西平劉扁兒所稱城守都
司殺二喜甲申十七年賊陷京師僭號自西安府遣邑生員宋
元圃來權知州事九月僞牧楊某至十一月聞自成敗逃去總
鎮高某時駐河南府委官孔某至邑絕炊烟餓甚逃去乙酉順
治二年高鎮復委何某至

與孔俱洛陽生員

八月知縣張翼舉至綏寇

紀略云孫督師全軍駐龍門催孟縣之糧別遣兵五千追賊於汝州賊已盡奔寶豐九月初八日我師進次汝州之長阜鎮僞都尉李養純迎降聞自成在襄陽西築汝寧及其屬邑鄧襄葉唐邾豐七城者待戰謀者云賊老營在唐縣精銳屯襄陽撤邾縣僞將吏歸保寶豐并兵設守以爲犄角傅庭乃別遣游擊折增修從魯山問道搗唐縣而督師自以大軍從汝州進初十日我師次寶豐賊已改爲州其守兵多且樓櫓亦甚固傅庭曰我師前爭利而寶豐或恃其後則腹背受敵矣諭降不下乃留攻之十一日自成來援白廣恩高杰盧典福分兵夾擊戰小利賊卻十二日自成再以精騎來援復爲廣恩杰所卻我師以是夜

克寶豐擒僞州牧陳可新州判姜渭僞郊縣令周英主簿劉溥
僞將蔣山李大存孫月等誅之

邑土賊起於崇正六七年間內則仍歲旱乾外則流賊震儼
暴奸黠幸亂志得糾合嘯聚剽行旅劫村落而鳩鵲餓殍計東
手待斃無寧黨同反可幸生蔓延滋長野盈巢窟而西山堽窰
香爐塚娘娘山諸賊憑據險阻勢更熾張野掠不厭遂謀犯城
年 月總趙含玉練兵於西門外演武場而土賊突至含玉

遂率衆與戰至深夜賊退含玉中流矢死焉 年 月生員蕭
蝦蟆等七人叛與山西賊通約以吹簫爲內應會其黨任重者
出首知縣石可勵立執蝦蟆等誅之通衢癸未孫督師率師退